

Nalunaarummut nutaamut missingiut (nalunaarummik nr. 233/2015-imik immikkoortoq II-mik taarsiineq)

Angallatini minnerni, matumani umiatsiaaqqani, qajariani, qaannani aamma paddle- aamma surfboardsini il.il. ilitsersuisumit aqutsisuuffigineqartuni inuttat pillugit nalunaarut

Umiarsuarni inuttat pillugit inatsimmi § 4, imm. 2, § 18, imm. 2, aamma § 27, imm. 3, tak. inatsimmut nalunaarut nr. 74, 17. januar 2014-imeersoq, aamma umiarsuarni inuttat pillugit inatsisip Kalaallit Nunaannut atuutilersinneqarnissaa pillugu peqqussummi nr. 608, 25. juni 2001-imi § 4, imm. 2, § 18, imm. 2, aamma § 27, imm. 2 malillugit, aalajangersarneqarpoq:

Atuuffia il.il.

§ 1. Nalunaarummi angallammi ataatsimi arlalinniluunniit minnerni, inuussutissarsiornermut atatillugu umiartornermi ilitsersuisunut piumasaqaatit aalajangersarneqarput,

Matumani:

- 1) umiatsiaaqqani, qajariani, qaannani, paddle- aamma surfboardsini il.il. umiartornermi, aamma
- 2) angallatinik taamaattunik atuinermi, assersuutigalugu sammisassani taamaattuni atuartut peqataaffigisaanik atuartitsinermit atatillugu.

§ 2. Ilitsersuisoq ima paasineqassaaq; inuk, inuussutissarsiornermut atatillugu, angallanermik sammisassaqaartitsinermi aqutsisoorusussimasoq imaluunniit aqutsisussannngortinneqarsimasoq, angallammi ataatsimi imaluunniit arlalinni, aamma tassunga atatillugu angalaneq pillugu sammisassaqaartitsineq pillugu aalajangiisartoq, aamma inunnut peqataasunut.

Angallatit ilitsersuisumit aqutsisuuffigineqartut

§ 3. Angallat ataaseq imaluunniit arlallit inuussutissarsiornermut atatillugu ilitsersuisunit aqutsisuuffigineqarlutik umiartorpata, taassuma isumannaallisaanikkut aamma peqqissutsikkut pissutsit akisussaaffigai.

Imm. 2. Ilitsersuisoq 18-ileereersimassaaq, angallammut pineqartumut imaluunniit angallatinut pineqartunut annertuumik umiartornermit misilittagaqassalluni, aamma tulliusut piviusunngortissimassallugit:

- 1) Pisariaqartumik tulliusut ilisimasaqarfigissavai:
 - a) Imaani aqqutinut malittarisassat,
 - b) Umiartorfimmi attuumassuteqartumi umiarsuarmik aqutsisinnaaneq,
 - c) Ikuallattoornissamut pitsaaliuineq aamma ikuallattoqarpat innermik qamitsinermit atortussaani atuisinnaaneq,
 - d) Annanniutit aamma taakkua atorsinnaanerit,
 - e) Angallatit orrajaassusaat,

- f) Imaani isumannaallisaaneq,
 - g) Imaani avatangiisinik illersuineq,
 - h) Angallatit minnerit maskiinaat.
- 2) Radiolerisutut uppersaammik allagartaqassaaq atuuttumik, angallammi atortunut naleqquttumik.
- 3) Ikiueqqaarnermut pikkorissarsimaneq;
- a) Dansk Førstehjælpsrådip angallatini minnerni aamma imaani timersornermi imaluunniit assingusuni ilinniagaqartitsinera¹ naapertorlugu.
 - b) Kalaallit Nunaanni angallatinut, Kalaallit Rødekorsiat issittumi ikiueqqaarnermut pikkorissarsimaneq imaluunniit assingusumik²

Imm. 3. *Imm.* 1-imi aalajangersarneqarsimasumik sammisamik aallartisaanermut akisussaasoq, umiarsuaatileqatigiiffittut isumannaallisaanermut ilitsersuut allatorneqarsimasooq malillugu sammisassap ingerlanneqarnissaanut akisusaaffeqarpoq, angallatit minnerit 12-inik ilaasoqartartut pillugit nalunaarut atuuttoq malillugu. Isumannaallisaanermut ilitsersuummi angallavigisat aamma angallatit pineqartut eqqarsaatigalugit angallammi pineqartumi imaluunniit angallatini pineqartuni ilitsersuisumut inuttanullu piumasaaqatinik pisariaqartinneqartunik naleqquttunillu aalajangersaasoqarsimassaaq.

*Angallatit inuuniutigalugu umiartortunngornissamut ilinniartitsiffittut
atorneqartartut*

§ 4. Angallatit, inuuniutigalugu umiartortunngornissamut ilinniarfittut atorneqaraangata, tamatuma nalaani inuk ataaseq imaluunniit arlallit angallammiitillutik angallatip pineqartup assingatut ittumik umiartornermut misilitsinneqarnissami angusinissaq siunertaralugu attuumassutilinnik ilinniarinneqaraangata, umiartornermi aamma suliassanik allanik isumannaallisaanikkut peqqissutsikkullu illersorneqarsinnaasumik suliaqarsinnaalersillugit, tamanna ilitsersuisumit aqutsisuuffigineqassaaq.

Imm. 2. Sammisassanik aallartitsinissamut akisussaasoq allassimasumik isumannaallisaanermut ilitsersuummik suliaqartoqarnissaanut akisussaasuvoq, aamma umiarsuaatilittut tassani ilitsersuisup, ilitsersuinerup qaffasissusaanut atatillugu, piginnaasai aamma piukkunnaatai aalajangersarneqassapput.

Pillaaneq aamma atortussanngortitsineq

§ 5. Inuk § 3-mik aamma § 4-mik unioqquutitsisoq akiligassinneqarluni pillarneqassaaq.

Imm. 2. Ingerlatseqatigiiffiit il. il. (inatsisitigut pisinnaatitaasut pisussaataitaasullu) Kalaallit Nunaanni pinerluttulerinermi inatsimmi kapitali 5-imi malittarisassat malillugit pillaatissanut akisussaatinneqarsinnaapput.

§ 6. Pisoq umiarsuarni inuttat pillugit inatsisip Kalaallit Nunaanni atuutilersinneqarnissaa pillugu peqqussummut ilaatinneqarpat, taava Kalaallit Nunaanni pinerluttulerinermi inatsit malillugu pineqaatissiisoqarsinnaavoq.

Imm. 2. Ingerlatseqatigiiffiit il. il. (inatsisitigut pisinnaatitaasut pisussaataitaasullu) unioqquutitsisimappata, inatsisitigut pisinnaatitaasutut pisussaataitaasutullu akiligassinneqarlutik akisussaatinneqarsinnaapput. Naalagaaffik, Namminersorlutik Oqartussat, kommuni, kommunalbestyrelsi imaluunniit nunaqarfinni aqutsisut unioqquutitsisimappat/-pata, pisortat oqartussa qarfiat pineqartoq akiligassinneqarluni akisussaatinneqarsinnaavoq.

Imm. 3. Pineqartoq Kalaallit Nunaanni najugaqanngippat imaluunniit pineqartoq inuiaqatigiinnut kalaallinut attuumassuteqarnera annikitsuinnaappat, taamaalillunilu Kalaallillu Nunaanni pinerluttulerinermi inatsimmi pineqaatissiissutissat atornissaannut tunngavissaqanngippat, suliaq Danmarkimi suliassanngortinneqarsinnaavoq imaluunniit malersugassanngorlugu innersuusutigineqarsinnaalluni, tak. Kalaallit Nunaanni pinerluttulerinermi inatsimmi § 7.

¹Dansk Førstehjælpsrådip nittartagaani allaaserinninneq nassaarineqarsinnaavoq.

²Dansk Førstehjælpsrådip nittartagaani allaaserinninneq nassaarineqarsinnaavoq.

§ 7. Nalunaarut atuutilissaaq ulloq 1. april 2025.

Søfartsstyrelseni, ulloq xx. xxxx 2025

Martin Hvid John

Malene Loftager Mundt